

國醫小叢書之三十三

癰
科
全
書

梁希曾著

上海國醫書局印行

中華民國二十年六月出版

國醫小叢書之三十三

癰科全書

全書一冊定價一角

版權所有 禁止翻印

著者 梁 希 曾

校正者 九 一 老 人

出版者 上海國醫書局

發行者 山東路十三號 上海中醫書局

代售者 嘉義西門街 台灣蘭記書局

癰科全書序

醫之爲任重矣。天下之業醫者多矣。善醫者固藥到回春。如響斯應。有回生起死之功。不善醫者。往往操庸劣手段。以嘗試而卒以殺人。間有一二醫者。得一最靈驗之奇方。則秘而不肯示人。藉口以方傳不效。其實持金錢主義。藉是方以博取人財。惟吾鄉柘軒梁先生。人本儒素。術妙岐黃。金匱玉函。悉心研究。凡遇內外奇難諸症。靡不應手奏效。而於癰癰一科。尤爲獨具手眼。具徵心得。夫癰分三十六症。雖內傷外感。原因不一。類皆由於質體痿弱。血液乾枯。陰虧火鑠。氣

滯痰凝其毒久伏於臟腑。而一旦發於肢體。必根深蒂固。牢不可拔。中醫多用吊丹。西醫多用剖割。徒欲以霸術取速效。卒之愈吊而毒終不散。愈割而癰總叢生。駸駸然臟腑內蝕。肢體外潰。遂致十癰而終不得一生。是非死於症。實死於醫耳。先生於是症。則神乎其技。外治則頻以藥點之。化朽腐爲神奇。具見手法之高。內治則審其寒熱虛實以施治。取其潛消默化於無形。尤徵心法之妙。今復將其治癰全科書編成。先論症。後列方。源源本本。朗若列眉。俾天下後世之業醫者。知所則效。而天下後世之患癰者。亦得所生全。蓋先生久以醫術名中外。初則駐上海。駐香港。繼則遊歷南洋十餘島。今則寄跡鮑

江微特霜晨雨夜。暑日炎天。有請則輒應。從不過取人錢物。且每日必限數點鐘。以盡贈醫義務。論者謂先生造福於人者大。而天之錫福於先生者亦宏。春回壽寓。種佈福田。先生哲嗣銳元。以十二齡之童子。果見賞於名公。現入京師高等學堂肄業。試輒高列前茅。他日學成爲國家用。將大有造於天下。是則父爲良醫。子爲良相。利濟同功。食報正未有艾也。噫。先生絞腦汁。費心血。而成是書。先生濟世之心苦矣。適遇敝族蘭汀。由暹回國。慨然擔任付梓。以傳世。先生濟世之心慰矣。先生濟世之功亦不朽矣。用是不揣謏陋。聊弁數言。以爲世之業醫贈醫兼有秘方者勸。是爲序。

宣統二年春月古梅侯家驥序於品梅小築

癰科全書序

凡病必有治病之方。而知其方者。往往秘而不傳。動曰傳則方不靈。驗果如所言。則古人傳世人方書。其皆不靈驗矣乎。嗚呼存射利之心。忍令天下後世之人。抱病而枉死者。弗可勝計。良堪悲痛。吾州梁柘軒先生。夙有不爲良相。必爲良醫之志。凡內外各科醫道。莫不悉心研究。而治癰尤爲所長。夫癰危症也。有二十四症。三十六症之名。而大抵陰虛火盛。挾風痰而成此毒核。其病源久伏於臟腑。根深蒂固。非內外兼治。不爲功。時醫不得其治之方。爰有十癰九死之說。

先生攷求有素。於外治得其獨一無二之點藥法。內治則以辨寒熱虛實握其大綱。藥到回春。百試百驗。固已中外揚名矣。人本寒儒。而心存濟世。到處行醫。每日必有數點鐘。爲贈醫之時。其胞與爲懷。於此可見。今復將其治癰之法。和盤托出。付諸手民。爲天下後世之患癰症者。廣開生路。此其種福恩田。釀功德水。實大而遠懿哉。此舉猶足風世矣。吾聞之積善必有慶餘。今先生之哲嗣。童年飽學。名動公卿。招入京師學堂肄業。試輒領其前鋒。他日學貫中西。蔚爲國器。意中事耳。論者謂此爲先生仁心壽世之報。其信然也。然則利人卽以利己。其利益莫大乎是。合并誌之。以爲業醫者勸。倘天下業醫之人。

概如先生以利濟爲心。凡有秘方悉爲傳世。俾天下後世同登仁壽。無復有抱病而枉死者。夫非生民之幸乎哉。夫非生民之幸福哉。宣統元年夏月嘉應張衡皋序於鮀江八屬會館

自序

千古文人之筆。最懼雷同。獨醫學則最患不能雷同耳。未有患是症。不用是方。而能療是疾者。歷觀諸名家醫書。多是各立一說。殊少定見。其於花柳頸癰。尤茫無善法。卽西醫亦然。總不出強硬手段。中材以上之人。閱是書。尙可活人。中材以下之人。閱是書。非第不能活人。甚且誤人。多多不少矣。噫。醫之道。最微。微則不能不深究。醫之方。最廣。廣則不能不小心。差之毫釐。失於千里。孟子云。術之不可不慎。此之謂也。故凡業醫者。不特難以議目前。實則最難辦善後。今人於外

科一門。多行霸道。不顧人命。取求近功。離醫之道益云遠矣。僕之醫則不然。專以王道爲事。如頸癰也。人多用剖割。或用丹出核。僕則專用潛消奏效。雖久不特形質無損。更可永保無虞。如花柳也。人多用吊丹。或大攻大瀉。僕則專用內解。成功又速。不特元氣無傷。且無下漏癰瘻牙際湧血之慮。至於內科等症。精微奧蘊。言不勝言。要皆以善後爲本務也。所以僕於花柳頸癰兩門。尤爲細心研究。十餘年來。盡得其中奧旨。歷治多人。發無不中。久欲刊行於世。利濟後人。無奈力恆不逮。輒爲中止。嗟乎。千古成事之難。類多如是。惟念僕自業醫數十年。皆以方便爲事。凡人之相延者。從無貧富之岐視。雖風雨必

往。星夜必往。卽嚴寒地凍。酷暑炎天。亦無不往。且旦日雖無粒米之炊。亦從未嘗苛取病家分文。此則僕之所可深自信也。以爲持是心而行。僕之醫過久而必揚。所以在外洋歷經數十島嶼。凡遇此症。莫不應效如神。愈人何止千數。從無或誤一人。越至丁未在星嘉坡旅次。果得欽憲楊侍郎士琦。及左總領事秉隆先後品題。獎給匾額。時（長男銳元十有三齡）在星洲養正學堂。並得蒙楊侍郎嘉其童穉篤志好學。加恩特色栽培。親提北上。送往順天高等學堂讀書。今年僕在汕頭。復蒙馮警長駿委派汕頭檢察驗病所之職。並兼得同濟延壽兩醫院之聘。其於贈醫施藥之念。益遂初心。嗟乎爲善

之願豈可忘哉。乃者侯君蘭汀過汕。適僕之所編癰科全書告成。見而大悅。慨然出資爲僕刊板。更得侯孝廉家驥。張孝廉衡皋。合爲更正。卽將是編先行佈告同人。其中絲毫無隱。願以後普天之下。五洲萬國書史同文。得是方而全是症者。皆暹羅鉅商侯君之所賜。亦侯孝廉張孝廉與僕之所大願也。謹誌數言。以爲天下之有秘方者勸。亦爲天下之富有一方者勸焉。時

宣統元年仲秋之月。古梅梁希曾柘軒氏自序於鮀江之檢查驗病所。

癰科全書目錄

點癰藥品

點癰法

辨癰治癰法

辨癰養癰法

癰家之忌食

癰家之宜食

國醫小叢書

上海中醫書局發行

癰科全書

清廣東嘉應梁希曾柘軒著

點癰藥品

新出窰石灰 八錢（是出窰未泡水。愈新愈佳。）

乾餅藥 四錢（又名規砂。潔白如雪者佳。）

硃砂 五釐

計三味。其法取石灰先臨風自化。篩去粗粒。將各藥秤足。貯瓦餅聽用。或豫先製備多數。將三味加增。和勻封好。切勿近潮濕。

隨帶出門。極爲方便。至硃砂一味。原取其色紅。易見跡痕。以便復點。非必需之藥也。方中三味共重一兩二錢零五釐。卽加減些亦可。大約每料必如此之多。方見有味。臨時酌用。不必拘泥。以下所列內服各藥品。其輕重亦可隨時加減。神而明之。存乎其人。

點癰法

一點時將各藥秤足。用有蓋幼瓷器盛好。然後取高粱燒酒開化。極力攪勻。至恰好處。何謂恰好。以藥停脚後。其上面約二分。清酒浮出。是爲恰好。然後取小筆竿一枝。蘸起其浮出清酒。在癰之核外。